

02. feb. 2017

UPA 2017/104

Inatsisartut Suleriaasianni § 33naapertorlugu aalajangiiffigisassatut siunnersuut imaattoq matumuuna saqqummiuppara:

Angajoqqaarsiat atugaasa pitsanngorsaavigineqarnissaat aningaasatigullu paaqqinninnermini tigusartagaasa qaffaavigineqarnissaat, taamatuttaaq nerisaqarnermut-, atisarsiutissat-, kii-salu kaasarfimmiorisartakkanut aningaasartuutaasartut ullutsinnut naapertuuttunngorlugit naleqqussarneqarnissaannik Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Laura Táunâjik, Siumut)

Tunngavilersuut:

Naalackersuisut ukiualuit matumap siorna angajoqqaarsiat atugaasa misissugassanngortippaat. Misissuineq Deloitte-mit ingerlanneqartup, Naalackersuisunit junimi 2012-imi tamanut saqqummiuneqarput.

Deloitte misissuinermini tikutitaasa ilaat tassaavoq, angajoqqaarsiat atugaasa, tamatumani aamma aningaasatigut paaqqinninnermini tigusartaagaat, angajoqqaarsiat ataavartumik tigummiinnarnissaat aammalu angajoqqaarsianik nutaanik pissarsiniarnermi pingaaruteqartutut takuneqarluni.

Misissuinerup takutippaa angajoqqaarsiat ataatsimut isigalugu misigisimagaat, aningaasatigut paaqqinninnermi tigusartagaat annikippallaartut, aammalu aningaasartuutigisat eqqarsaatigalugit meerarsiaqarnermi aningaasartuutininik naapertuilluannigisut. Kommunini sulisut aamma siammasilluurtumik oqaasertaliinermigut ersersilluarpaat, aningaasatigut paaqqinninnermi tigusartagaat aningaasartuutininut naapertuukkunnaarsimasut, meeqqanik paarsaqarnermi naleqqukkunnaarsimallutik.

Misissuinerup naammassereerneratigut ukiut 4 qaangiutilillarmata takuneqarsinnaavoq aningaasatigut paaqqinninnermi tigusartakkat sulii nikissimannigisut. Aningaasatigut tigusartakkat naliginnaasut, angajoqqaarsianik amerlanernik pissarsiaqaataasartut, sulii qaammammut allanguuteqaratik 4.123 kr-iuvoq. Aningaasatigut tigusartakkat julimi 2008-imili allanguuteqarsimannigillat.

Aningaasatigut paaqqinninnermi tigusartakkat angajoqqaarsianut akiliutaasussatut eqqarsaataasimapput meerarsiallu paaqqutarinerani aningaasartuutininut matussutissaanani. Tamannami ersarilluinnarpoq meeqqanut inuusuttunullu ikiuiniarneq pillugu nalunaarummi atuuttuusumi.

Aningaasartuutit matussusermissaat eqqarsaatigalugit, taakkumi meeqqamik paarisqaqarnermi pissar-siassaammata, ilaqutariit angajoqqaarsiaasut qaammammut 1.000 kr. tigusarpaat, aammalu atisanut kaasarfimmiussanullu ulloq unnuarlu 36 kr.-ersisarlutik. Aningaasat pineqartut Deloitte misissui-malli suli atuupput nikissimanatik. Januarip allaqqaataani 2009-imi nerisassanut matussutissat qaffaavigineqarput, kaasarfimmiussanullu atisanullu akiutitaasut apriilip aallaqqaataani 2000-imi allilerneqarlutik.

Atuinermi akiutitat Nunatsinni juli 2000-imiit juli 2016-imut 48,7%-IMIK qaffassimapput, aammalu januarimi 2009-miit juli 2016-imut 14,6%-imik qaffassimallutik. Atisanut kaasarfimmiussanullu atugassat taamaalillutik naleerutivissimapput, kisianni nerisassarsiniutissat aamma annertuumik naleerussimapput, akiliutaasartullu ataatsimut isigalugit ullutsinnut naleqqukkunnaarsimapput.

Ilaqutariit angajoqqaarsiaasut suliniutaat, soorunami akilersorneqartariaqarpoq naapertuilluarnikkut, inuiaqatigiimmi qujaniutaat tamatumani ersersinneqartussaammat.

Aamma puigortariaqanngilarput, angajoqqaarsianik atuiangiikkutta allatut ajornartumik meeqqat inaannut ulloq unnuarlu ingerlanneqartunut inissittariaqassammata, tamannalu inuiaqatigiinnut akisunerujussuuvoq.

Tunngavilersuutikka taamatut saqqumiutereerlugit piffissanngorluinnarsoraara, angajoqqaarsiaqarnermi atugassarititaasut pitsanngorsartariaqarlermata, tamannami Deloitte aamma 2012-imi innersuussutigereepaa.

Siunnersuutip pisortanut aningaasatigut allaffissornikkullu kingunissai:

Paaqutarinninnermut akissaatit assersuutigalugu qaammammut 500 kr.-inik qaffaavigigaanni 2,6 mio. Kr.-it missaani tamakkiisumik ukiumut aningasartuutaanerussaaq, kisitsit kommunit 2015-imi aningaasartuutigisimasaannit kisitsinikkut pissarsiaavoq.

Nerisaqarnermut kaasarfimmiussanut- atisarsitissanullu aningaasartuutit qaffanneqerteri akit qaffakkiartornerinut naapertuuttunngorlugu kingullermit inissikkaanni, ukiumut 3,1 mio. kr.-inik katillugu aningaasartuutaanerussaaq.

Matumuuna Naalakkersuisut § 37 apeqqummut nr. 22/2017-imut akissutaanut innersuussivunga.

Siunnersuutip namminesorlutik inuussutissarsiortunut aningaasatigut allaffissornikkullu kingunissai:

Soqanngilaq

Siunnersuutip innuttaasunut aningaasatigut allaffissornikkullu kingunissai:

Innuttaasut angajoqqaarsiatut meeqqanik innisimasuutitaqartut aningaasatigut meeqqap pisariaqar-titaanut iluaquserneqassapput. Innuttaasunut allanut kinguneqarnaviangilaq.